

四庫全書

經部

欽定四庫全書

毛詩集解卷九

宋 段昌武 撰

魏

朱曰魏國名本舜禹故都

曹曰舜都蒲坂禹都安邑皆在魏地

在禹貢

冀州雷首之北析城之西南枕河曲北涉汾水其地

陘隘

前漢地理志云魏在晉之南河曲故其詩有云彼汾一曲置之河之側水經注云故魏國城

南西並去大河可二十餘里北去首山十餘里而民處河山之間土地迫隘故魏風著十畝之詩也

貧俗儉蓋有聖賢之遺風焉

鄭曰一帝一王儉約之化於是時猶存周

初以封同姓

左傳曰虞虢焦滑霍揚韓魏皆姬姓

後為晉獻公所滅而

取其地

鄭曰當周平桓之世魏之變風始作至春秋魯閔之元年晉獻公竟滅之曹曰獻公以

其地封畢萬畢萬畢公高之後也

今河中府解州即其地也

朱曰

蘇氏曰魏地入晉久矣其詩疑皆為晉而作故列於

唐風之前猶邶鄘之於衛也今按篇中公行公路公

族皆晉官疑實晉詩又恐魏亦嘗有此官蓋不可考

矣曹曰魏晉皆有儉嗇之風然其詩若作在晉獻公

并吞以後則其俗漸已荒侈此詩每刺其君儉勤故  
知其作詩在未并於晉以前也然序皆不著其時君  
無得而知之

葛屨

俱具反

刺褊

必淺反

也魏地陘

音洽

隘於懈反

其民機巧趨

利其君儉嗇

音色

褊急而無德以將之

范曰魏俗所以機巧趨利如此者君心之所為也故  
是詩惟刺其褊 張曰夫子謂與其奢也寧儉則儉  
雖失中本非惡德然而儉之過則至於吝嗇迫隘計

較毫分之間而謀利之心始急矣葛屨汾沮洳園有桃三詩皆言其急迫瑣碎之意

糾糾

吉黠反

葛屨可以履霜摻摻

所銜反

女手可以縫裳要

於遙反之袼

紀力反

之好人服之

孔曰糾糾稀疏疎之貌

朱曰糾糾繚戾寒涼之意

毛曰夏葛屨冬

皮屨摻摻猶纖纖也

朱曰女婦未廟見之稱也

鄭

曰裳男子之下服

孔曰以婦人之服不殊裳故知男子之下服也曲禮曰諸母不漱裳

惟舉裳不漱則衣可漱明裳為賤

毛曰要褻也袼領也

孔曰要是裳褻袼為

來領說文亦  
云襟衣領也

范曰好人女而未婦為容好者也

毛曰

手  
之  
人  
好  
女

孔曰服之整治之也

鄭曰魏俗至冬

猶謂葛屨可以履霜

孔曰新來嫁猶謂之女可以縫

衣裳

毛曰婦人三月廟見然後執婦功

范曰非

特使之縫裳而又服要襪之功其儉嗇且急亦已甚

矣蘇曰君子之為國致隆而極廣焉故其降也猶

可以不陷今葛屨而以履霜及其暑也將安用矣婦

之未廟見也而使之縫裳及其成為婦也將安使之

矣

好人提提

徒兮反

宛

於阮反

然左辟

避音

佩其象拂

勅帝反

維是

褊心是以為刺

毛曰提提安諦

音帝也

范曰安徐也

宛辟貌

朱曰宛然讓之貌也

婦至

門夫揖而入不敢當尊宛然而左辟

蘇曰讓而辟者必左孔曰不敢

當主故就客位

朱曰拂所以摘髮用象為之貴者之飾也

蘇曰女子始嫁而治其威儀其修如此而可以賤

事使之與然褊者以為為是無益故為其益者而至

於縫裳也惟君子則不然懼其不容降矣

鄭曰婦新至慎于威

儀如是使之非禮

葛屨二章一章六句一章五句

汾

扶云反

沮

子預反

如

如預反

刺儉也其君儉以能勤刺不得

禮也

孔曰王肅孫毓皆以為大夫采菜雀靈恩集注序云

君子儉以能勤案今定本及諸本序直云其君義亦

通



彼汾沮洳言采其莫

音暮

彼其之子美無度美無度殊異

乎公路

毛曰汾水也

說文曰汾出太原晉陽山西南入河

蘇曰汾水出於晉其流及魏

沮洳

其漸

接廉反

洳者

朱曰汾水名沮洳水浸處下濕之地也

莫菜也

孔曰莫菜者葉

似柳葉厚而長有毛刺今人纒以取繭緒五方通謂之酸迷

鄭曰無度言不可

以尺寸

孔曰不可以尺寸量也

是子之德美信無度矣雖然其

采莫之事則非公路之禮也公路主君之軹車庶子

為之晉趙盾為軹車之族是也

朱曰儉嗇不似貴

人也

彼汾一方言采其桑彼其之子美如英美如英殊異乎

公行

反戶郎

朱曰一方彼一方也史記扁鵲視見垣一方人范

曰英者草木之華也鄭曰公行者主君兵車之行

列

孔曰公路公行一官也晉成公宦卿之適以為公族其庶子為公行趙盾為軫車之族杜預云公行

是也

彼汾一曲言采其藿音續彼其之子美如玉美如玉殊異

乎公族

朱曰一曲謂水曲流處

毛曰蕢水

音也孔曰水昔也蕢如續

斷寸寸有節拔之可復陸璣云今澤蕢也葉如車前

鄭曰公族主君同姓昭

穆也

孔曰左傳曰晉荀會樂鰲韓無忌為公族大夫使訓卿之子弟是公族主君之同姓

汾沮洳三章章六句

園有桃刺時也大夫憂其君國小而迫而儉以嗇不能用其民而無德教日以侵削故作是詩也

范曰魏君儉而不取嗇而不施君不能發政施仁而

民亦無以趨事勸功上下相離君民相棄君獨行之  
於上而臣民不以為非此詩所以刺時也

園有桃其實之殽心之憂矣我歌且謠

音遙

不知我者謂

我士也驕彼人是哉子曰何其

音基

心之憂矣其誰知之

其誰知之蓋亦勿思

毛曰興也園有桃其實之殽國有民得其力程曰

觀此詩可見其憂深思遠矣所刺者不能用其民耳  
不能用其民則不能治豈復有德教其致侵削可知

也國無政事則亡故詩人憂思之深也桃果之賤者  
園有桃亦用其實以為殽興國有民雖寡能用則治  
今不能用其民故心憂之至歌且謠誦詠之為謠

毛曰

曲合樂曰歌徒歌曰謠孔曰釋樂云徒歌謂之謠  
謠既徒歌則歌不徒矣故曰曲合樂曰歌樂即琴瑟  
行葦傳曰歌者合于琴瑟也歌謠對文如此散則歌未必合樂也重言人不知者不

思耳其情至深切也王曰儉而非之則疑於驕

朱曰彼不知我心之所憂者反以我為驕慢而曰彼  
君之所為已足矣而子之言獨何為哉蓋舉國之人

莫覺其非而反以憂之者為驕也故曰心之憂矣其誰知之重言其誰知之而曰蓋亦勿思蓋曰此之可憂較然易知彼之非我特未之思耳誠思之則將不暇非我而自憂矣

園有棘其實之食心之憂矣聊以行國不知我者謂我士也罔極彼人是哉子曰何其心之憂矣其誰知之其誰知之蓋亦勿思

毛曰棘棗也 鄭曰聊且略之辭也聊出行於國中

以寫憂

程曰行國猶駕言出遊以寫我憂

范曰謂我士也罔極言

責君無已也

園有桃二章章十二句

陟岵孝子行役思念父母也國迫而數

音朔

侵削役乎大

國父母兄弟離散而作是詩也

鄭曰役乎大國者為大國所徵發

陟彼岵

音戶

兮瞻望父兮父曰嗟予子行役夙夜無已上

慎旃哉猶來無止

毛曰山無草木曰岵

孔曰釋山云多草木岵無草木此與傳正反說文曰岵山有

草木也此山無草木也陳曰岵也此也崗也皆山之高處而可以瞻望者詩人各取其一以協韻耳

鄭曰無已無懈倦

蘇曰上猶尚也

毛曰旃之

也蘇曰孝子登高以望其父而不見則思其將行

之戒以自慰

張曰直述所以念父之意未若思父所以念已之心之為深切也

孔

曰我欲行之時父教戒我曰嗟予子從軍行役之時

當早起夜寐無得已止

朱曰尚庶幾慎之哉猶可

以來歸無止於彼而不來也蓋生則必歸死則止而



不來矣

陟彼屺

起音

兮瞻望母兮母曰嗟予季行役夙夜無寐上

慎旃哉猶來無棄

毛曰山有草木曰屺季少子也

王曰尤憐愛少子者婦人之情也

無

寐無耆

常志反

寐也

東萊曰母尚恩故曰無棄言無

棄母而不歸也

陟彼岡兮瞻望兄兮兄曰嗟予弟行役夙夜必偕上慎

旃哉猶來無死

毛曰山脊曰岡 蘇曰必偕必與同役者偕無獨行也

陟岵三章章六句

十畝之間刺時也言其國削小民無所居焉

孔曰謂土田陞隘非謂無居宅也 王曰先王建萬

國親諸侯使小事大大比小有相侵者方伯連帥治而正之是以諸侯不失其分地而庶民保其常生周道衰彊陵弱衆威寡天子方伯連帥無以制之有國

者亦多不知所以守其封疆此詩所為作也

十畝之間兮桑者閑閑兮行與子還兮

張曰十畝之間場圃之地

又曰周制國郭之外有聽為場圃之地者疑家授十

畝以毓草木

孔曰孟子曰五畝之宅樹之以桑則野田不樹桑漢食貨志云田中不得有樹用妨五穀

毛曰閑閑然男女無別往來之貌或行來者或來

還者

孔曰還兮相呼而共歸下云逝兮相呼而共往傳總解之

孔曰魏雖地狹

民稠未必即然舉十畝地以喻其陘隘耳

十畝之外兮桑者泄泄

反以世

兮行與子逝兮

毛曰泄泄多人之貌 東萊曰橫渠指桑地為場圃  
合於古制但又謂魏地侵削外無井受之田徒有近  
郭園廛而已則似不然果如是民將何所食乎政使  
周制果家賦園廛十畝魏既削小豈容尚守古法或  
數家共之也況詩所謂十畝者特甚言之爾未可以  
為定數也

十畝之間二章章三句

伐檀

徒丹反

刺貪也在位貪鄙無功而受祿君子不得進

仕爾

呂曰君子小人相為盛衰小人肆而君子窮此所以不得進仕也

坎坎

苦感反

伐檀兮寘之河之干兮河水清且漣

力纏反

猗

於宜反

不稼不穡胡取禾三百廛

直連反

兮不狩不獵胡瞻

爾庭有縣

音音  
玄貍暄

兮彼君子兮不素餐

七丹反

兮

朱曰坎坎用力之聲

曹曰檀木堅忍故伐之之聲  
坎坎然非若丁丁之易也

檀

木可以為車者寘與置同

毛曰干厓也

董曰河

濁而在岸之干之側之滄者清也 毛曰風行水上

成文曰漣

孔曰釋水云河水清且漣漪大波為瀾小波為漣直波為徑漣瀾雖異而義同

朱曰猗與兮同語辭也書斷斷猗無他技大學作兮

莊子亦云而我獨為人猗是也 毛曰種之曰稼斂

之曰穡 鄭曰胡何也 毛曰一夫之居曰廛

孔曰謂一

夫之田百畝也地官遂人云夫一廛田百畝揚子云有田一廛 曹曰三百廛為田三萬畝以漢志準之

畝收一石有半三百廛之所收當四萬五千石昔孟子辭齊卿而宣王欲使之養弟子以萬鍾孟子以為辭十萬而受萬是大國之卿其祿之多者至于十萬鍾少亦不減萬鍾鍾六斛四斗也較三百廛之數與

萬鍾相近意者魏為小國其工卿之祿固當大國之下卿也然下章三百億其數與三百屢甚相遠絕故知詩人情性之言亦不甚拘於名數也

鄭曰冬獵曰狩宵田曰獵

孔曰

狩獵取禽獸之通名周禮云大田獵王制云佐車止則百姓田獵不必皆宵田也中候云秦伯出狩駟驢云從公于狩未必皆冬獵也

朱曰貍貉類

鄭曰貉子曰貍說文以貍為貉類云北

方豸種似狐而善睡

鄭曰彼君子者伐檀之人

毛曰素空

也 朱曰餐食也 東萊曰君子伐檀以自給也坎

坎伐檀兮寘之河之干兮河水清且漣漪悠然於河

之干遺佚而不怨阨窮而不憫者也國人見君子在

下者如此小人在位者如是乃責之曰汝未嘗稼穡  
禾何為而積汝未嘗狩獵獐何為而來汝獨不見夫

彼河干之君子義不素餐親伐檀以自食者乎

朱曰  
遂歎

彼君子者不肯無事而空食人之食則此無功而受  
祿者之為空食而可賤明矣 南軒曰此詩蓋譏在  
上者無功德於民而享其奉故以不稼而得禾不獵  
而得獸者為比非必欲君子稼穡而後食也公孫丑  
以君子不耕而食為素餐其為詩也亦固矣 此特旁  
其將至于為許行之徒之論故孟子闢之

觀者之辭若所謂伐檀之君子方且陶陶不改其樂

豈較短量長者哉

蘇曰河非用車之處

朱曰有人  
於此用力



伐檀將以為車而行陸也今乃寘之河干則但見河水之清漣而無所用以比君子進德修業將以有為而不遇其時南軒曰為有用之物棄置河濱徒與河水之清漣相映而已猶君子之不得進仕廢放于林谷之中也

曹曰檀車而寘之河上非車之不能勢不可也若夫漸裳濡軌苟以求濟則君子有所不屑矣

坎坎伐輻

音福

兮寘之河之側兮河水清且直猗不稼不

穡胡取禾三百億兮不狩不獵胡瞻爾庭有縣特兮彼

君子兮不素食兮

朱曰輻車輻也伐木以為輻也直波文之直也

蘇曰水平

則流直

鄭曰十萬曰億三百蓋言禾秉之數

孔曰田方百里

于今數為九百萬畝而王制云方百里為田九十億畝是億為十萬也三百億與三百廛三百圀相類若為釜斛之數則太多不類故為禾秉之數謂刈禾之把數也毛曰獸三歲曰特

坎坎伐輪兮寘之河之漘兮河水清且淪猗不稼不穡

胡取禾三百圀

丘倫反

兮不狩不獵胡瞻爾庭有縣鶉

音純

兮彼君子兮不素飧

素門反

兮

朱曰輪車輪也伐木以為輪也

毛曰淪小風水成

文轉如輪也

韓詩順流而風曰淪淪文貌

孔曰圀圓倉

郭璞

曰鴝鵒屬

毛曰熟食曰飧

說文曰水洗飯也 曹曰人旦則食飯飯不可

留故夕則以水洗而食之薄于朝食尚不敢素也

伐檀三章章九句

碩鼠刺重斂

呂驗反

也國人刺其君重斂蠶食於民不修

其政貪而畏人若大鼠也

孔曰蠶食者蠶之食桑漸漸以食使桑盡也猶君重

斂漸漸以稅使民困也

碩鼠碩鼠無食我黍三歲貫

古亂反

女

汝音

莫我肯顧逝將

去女適彼樂

音洛

土樂土樂土爰得我所

鄭曰碩大也大鼠

孔曰陸璣云今河東有大鼠能人立交前兩足於頸上跳舞善鳴食

人禾苗人逐則走入樹空中魏國今河東郡河北縣是也言其方物宜謂此鼠

毛曰貫事

也 鄭曰逝往也

朱曰爰語辭也

鄭曰我事女

三歲矣曾無恩德來顧眷我往矣將去女與之訣別之辭 朱曰今將去女以適彼樂土而得我之所也

東萊曰三歲貫女盖言魏君掎克民當去之久矣姑事之至於三歲而莫我肯顧也猶書所謂天惟五

年須暇之之意也

碩鼠碩鼠無食我麥三歲貫女莫我肯德逝將去女適  
彼樂國樂國爰得我直

范曰莫我肯德者不以我為德也民出力以事上不  
以為德而反蠶食之所以去也爰得我直者欲適從  
有道之國而赴愬之得其直亦樂矣

碩鼠碩鼠無食我苗三歲貫女莫我肯勞逝將去女適

彼樂郊樂郊樂郊誰之永號

戶毛反

毛曰苗嘉穀也 范曰莫我肯勞者不以我為勞也

鄭曰郭外曰郊之往也 毛曰號呼也 張曰碩

鼠之詩聖人所為取者以君失道如此國人疾之甚而欲去之猶有所未忍絕也故著其情於詩著其情於詩乃其所未忍絕者也末章誰之永號謂我將去爾而適樂郊當誰復永號於爾之土者乎此則尤可見其情也

碩鼠三章章八句

魏國七篇十八章百二十八句

毛詩集解卷九


欽定四庫全書

毛詩集解卷十

宋 段昌武 撰

唐風

闕





毛詩集解卷十

欽定四庫全書

經部

毛詩集解卷十一

五

詳校官監察御史

臣

孫家賢

通政使司副使

臣

莫瞻菴覆勘

總校官降調編修

臣

倉聖脉

校對官編修

臣

盧遂

謄錄監生

臣

劉士煌

欽定四庫全書

毛詩集解卷十一

宋 段昌武 撰

秦

朱曰秦國名地在禹貢雍州之域近鳥鼠山初伯益  
佐禹治水有功賜姓嬴氏其後中滴居西戎以保西  
垂其六世孫大駱生成及非子非子事周孝王養馬  
於汧渭之間馬大蕃息孝王封為附庸而邑之秦至

宣王時犬戎滅成之族宣王遂命非子曾孫秦仲為

大夫誅西戎不克見殺

鄭曰至秦仲秦之變風始作

及幽王為西

戎犬戎所殺平王東遷秦仲孫襄公以兵送之王封

襄公為諸侯曰能逐犬戎即有岐豐之地襄公遂有

周西都畿內八百里之地至立孫德公又徙於雍秦

即今之秦州雍今京兆府興平縣是也 前漢地理

志云天水隴西

秦隴西國名

山多林木民以板為屋室及

安定北地上郡西河迫近戎狄修習戰備高上氣力

以射獵為先故秦詩曰在其板屋又曰王于興師修

我甲兵與子偕行及車鄰駟驥之詩小戎之篇皆言

車馬田狩之事

曹曰漢興六郡良家子選給羽林期門以材力為官名將多出焉故秦詩

多言戰關田獵之事

朱曰岐豐之地文王用之以興二南之

化如彼其忠且厚也秦人用之未幾而一變其俗見

於詩者大抵尚氣槩先勇力已悍然有招八州而朝

同列之氣矣蓋雍州土厚水深其民厚重質實無鄭

衛驕墮浮靡之習以善導之則易以興起而篤於仁

義以猛驅之則其彊毅果敢之資亦足以彊兵力農而成富彊之業也論至於此以見厚重者之可與有為而又以見上之導民不可不謹其所之也

車鄰美秦仲也秦仲始大有車馬禮樂侍御之好焉

孔曰秦仲以字配國附庸未得爵命無謚可稱南

軒曰讀車鄰駟驥之詩則立國自其始創不過盛其車馬奉養之事競於射獵之為而已蓋不及於用賢制民也則其流風亦習乎是而已

有車鄰鄰有馬白顛

都田反

未見君子寺人之令

力呈反

毛曰鄰鄰衆車聲也

朱曰密比之聲

白顛的顛也

孔曰的白也顛顛也

顛有白毛馬若驕驕盜驪赤免的盧之稱

王曰白顛蓋仲之名

李曰君子指秦

仲毛曰寺人內小臣也

范曰寺人所以傳內外

之命

孔曰按夏官小臣掌王之小命天官寺人掌王之內人及女宮之戒令則天子自有小臣主王

命寺人主內令不主王命矣

燕禮云小臣戒與者

則諸侯之有小臣亦應傳君命此說國君使寺人傳

命者天子備官故外內異職諸侯兼官故內外共掌

也左傳說晉獻公使寺人披伐公子重耳於蒲宋平

公之喪使寺人傳達

李曰令使也

朱曰是時秦

君命是亦禮之常也

毛詩集解

三

君始有車馬及此寺人之官將見者必先使寺人通

之故國人創見而誇美之也

蘇曰凡此皆人君之常禮而秦之先君昔所未

有也南軒曰寺人之令若今之通謁者也令者役使之稱未見君子者得以令寺人則其謁之無壅可知矣若後世居上者有不察則其來見己者蓋反為寺人所令矣范曰君臣相信故其下得以使之也

阪

反音

有漆隰有栗既見君子並坐鼓瑟今者不樂逝者

其耄

反田節

毛曰興也陂者曰阪

說文曰阪山背也漢地理志隴西郡有隴坻師古

曹曰按前

曰隴阪也即今之隴西北郡在隴之西故曰隴西三秦記曰其阪九回不知高幾許欲上者七日乃越高



處東望秦川然則阪下濕曰隰瑟釋文曰弦樂也耄者固秦地之所有也

老也八十曰耄蘇曰人君之有禮樂猶阪之有漆

隰之有栗也孔曰君臣事簡故並坐而觀鼓瑟鄭

君臣以閒暇燕飲故能相安樂也

范曰今者不樂恐失時也李

曰逝者與日月逝矣之逝同皆言其歲月之往東

萊曰既見君子並坐鼓瑟簡易相親之故也今者不

樂逝者其耄悲壯感慨之氣也秦之彊以此而止於

為秦者亦以此

段曰秦人之初君民以簡易相親其後既得天下乃為尊君卑臣之說上

下否塞而亡然則興國之規模其可廢哉今者不樂逝者其羞急功利樂便安之意皆在其中矣

阪有桑隰有楊既見君子並坐鼓簧今者不樂逝者其

亡

朱曰簧笙中金葉吹笙則鼓動之以出聲者也

車鄰三章一章四句二章章六句

駟驥

田結反

美襄公也始命有田狩之事園囿之樂焉

孔曰莊公生襄公

朱曰秦自非子以來世為附庸

及周幽王為犬戎所敗秦仲之孫襄公救周有功平

王賜之以岐西之地於是始命為諸侯 曹曰冬田  
曰狩田之大者始命而能狩侈之也

駟驥孔阜六轡在手公之媚

眉冀反

子從公于狩

朱曰駟驥四馬皆黑色如鐵也阜肥大也六轡者兩服  
兩驂各兩轡而驂馬內兩轡納之於軾故惟六轡在  
手也媚子所親愛之人也 孔曰襄公乘此鐵色之

馬既肥大而又良善御人執其六轡在手而已不須  
控制之也 又曰叔于田云兩驂如手言進退遲速

如御者之手蓋御之良也此云六轡在手言馬性調柔御者不勞提制在手而已蓋馬之良也 呂曰公

之媚子不必如媚于天子媚于庶人者也此詩稱其

始為諸侯未必能用賢但人君之奉稍備云耳 曹曰所謂

便嬖足使令於前者也

奉時辰牡辰牡孔碩公曰左之舍

音捨 蒲末

則獲

毛曰時是辰時也 朱曰牡獸之牡者也

曹曰祭祀之牡不用

北皆以辰牡者冬獻狼夏獻麋春秋獻鹿豕之類 孔曰

獸之供食各有時節奉之者虞人翼以待射也孔甚也碩肥大

也公曰左之者命御者使左其車以射獸之左也蓋

射必中其左乃為中殺五御所謂逐禽左者為是故

也董曰五御五曰逐禽左自左腰而射之達于右膈

為上殺自左肩膈而射之達于右耳本為中殺自

左髀而射之達右肱為下殺

鄭曰拔括也孔曰家語論矢

之事云括而羽之鏃而礪之以鏃為首故拔為末

朱曰左之而舍拔無有

不獲者言獸之多而射御之善也

曹曰所謂命中也段曰吾為之範

我馳驅終日而不獲一禽公曰左之守御法也而舍拔則無不獲焉

遊于北園四馬既閑輶

音

車驚鑣

彼驕反

載獫

力驗反

歇

許謁

反驕

許喬反

蘇曰四馬乘馬閑調習也輶車輕車所以驅獸所謂

驅逆之車也

夏官注云驅驅出禽獸使趨田者也逆逆要不得令走驅逆之車田僕所設非

君所乘曹曰逆而還之使不得逸也

朱曰驚鈴也效驚鳥之聲鑣

馬銜也

鄭曰置驚於鑣異於乘車也

孔曰乘車以驚在銜和在

軾曹曰馬動則鳴與車軾之和相應此言御不失節也

毛曰獫歇驕皆田犬

名長喙曰獫短喙曰歇驕

朱曰田事已畢故遊于

北園以車載犬蓋以休其足力也韓愈畫記有騎擁  
田犬者亦此類

駟賦三章章四句

小戎美襄公也備其兵甲以討西戎西戎方彊而征伐  
不休國人則矜其車甲婦人能閔其君子焉

李曰按史記秦仲誅西戎西戎殺之宣王召其子莊  
公與兵七千人使伐西戎破之至殺幽王驪山下襄  
公將兵救周有功然則西戎者秦之臣子所不與共

戴天之讎也。襄公承天子之命，以報君父之仇。其所  
以不能自己者，豈忤忿之心哉？明人倫，述天理，以大  
義驅其人而戰之。此襄公所以能用其人而秦人所  
以樂為之用也。聖人刪錄之意，其示人也深矣。春秋  
之義大復讎而與討賊亦是意也。

小戎

錢淺反

收五檠

音木梁輶

陟留反

游環脅驅陰鞫

音膚鑿

音沃續文茵

音周暢

敕亮反

轂

音谷駕我騏驎

之反

言念君子

溫

其如玉在其板屋，亂我心曲。



毛曰小戎兵車也

董曰天子元戎諸侯謂之小戎宜也

伐淺也收軫也

孔曰軫車前後兩端橫木所以收斂所載故名收馬凡車之制廣皆六尺六寸其平地任載者為大車則軫深八尺兵車則軫深四尺四寸比之為淺故曰伐收

五五束也檠歷錄

音也

梁輈輈上句衡也一輈五束束有歷錄

孔曰檠歷錄然文章之貌

也輈輈也梁輈輈上曲句衡衡者輈也輈從軫以前稍曲而上至衡則居衡之上而嚮下句之衡則橫于輈下而輈形穹隆上曲如屋之梁然又以皮革五處束之其文章歷錄然見也陳曰輈車輈也其前駕於服馬之衡之上其後則乘前軫直逼後軫梁軫則穹於其上以便服馬之進退車之進退以輈為主懼輈之不堅也故一輈則五分其穹

游環朝環也游在

背上所以禦出也脅驅謹駕具所以止入也

朱曰游環

也以皮為之引兩駢馬之外轡貫其中而執之所以制駢馬使不得外出也環當兩服馬之背上游移前却無定處故謂之游環亦謂之靳左傳曰如駢之有靳脅驅亦以皮為之前繫於衡之兩端後繫於軫之兩端當服馬兩脅外以驅駢馬使不得內入也曹曰兩服馬駕勾衡之下旁有兩駢馬齊於服馬之頸懼駢之外出也故以環貫駢之外轡以禁其出欲出則此環牽之懼駢之內入亂服馬也故以韋二條繫衡與軫護服馬脅以止駢之陰揜軌也韋所以引也入欲入則此皮從而約之也

鍍白金也續續韋也

孔曰揜軌者謂輿下三面材以板木橫側車前所以陰映此軌

也軌在軌前橫木映軌故鄭氏云揜軌在軾前垂韋上謂陰板垂韋上也此車衡之長惟六尺六寸止容

二服駟馬頸不當衡別以皮為二勒繫于陰板之上  
令駟馬引之亦謂之勒左傳曰兩勒將絕是橫軌之  
前別有駟馬二勒也朱曰揜軌在軾前軫上勒者  
以皮二條前繫駟馬之頸後繫陰板之上有續勒之  
處白金沃其環以為飾也孔曰鍍沃也非白金之  
名謂銷白金以沃灌勒言鍍續則是作環相接蘇  
曰續勒皮之相續處綴環  
於其端以白金沃之也孔曰文茵車中所坐之

褥也用虎皮有文采也暢長也朱曰轂所以貫車

輪者

孔曰大車之轂一尺有半兵車之轂三尺二寸比大車為長曰暢轂

毛曰騏騏

文也馬左足白曰鼻

朱曰君子婦人目其夫也溫

其如玉美之之辭板屋者西戎之俗以板為屋

孔曰地理

志云天水隴西民以板為屋然則秦之西陲民亦板屋也毛氏言西戎板屋者此言伐戎故也

心中委曲之處也 孔曰襄公率國人以討賊故其

從役者之家人先誇車甲之盛如此而後及其私情

蓋以義興師則雖婦人亦知勇於赴敵而無所怨矣

四牡孔阜六轡在手騏驎

音留

是中駟

古反

花

驪是驂龍盾

順允反

之合鑿以觶

古反

納

音納

言念君子溫其在邑方何

為期胡然我念之

孔曰孔阜甚肥大也騏馬之青黑色者 鄭曰赤身

黑鬣曰駟中中服也 孔曰黃馬黑喙曰駟驪黑色

鄭曰驂兩駢也

孔曰車駕四馬在內兩馬謂之駢

朱曰

盾干也畫龍於盾合而載之以為車上之衛必載二

者備破毀也

孔曰盾以木為之謂之龍盾是畫龍於盾也王肅云合而載之以為車蔽也

鰭環之有舌者輈內轡也置鰭於軾前以繫輈故

謂之鰭輈亦銷沃白金以為飾也

孔曰鰭輈謂白金飾皮為鰭以納物

也四馬八轡而經傳皆言六轡明有二轡常繫之馬之有轡者所以制馬之左右今之隨逐人意驂馬欲入則偏而脅驅內轡不須牽挽故知輈者納驂內轡繫於軾前其繫之處以白金為鰭也

蘇曰

驂之外轡則御者執之 朱曰邑西鄙之邑也 曹

曰溫其在邑者猶言在彼和平無患苦也與爰居爰處爰喪其馬者異矣 朱曰方將也將以何時為歸

期乎何為使我思念之極也

伐駟孔羣公

音求

矛鏐鎛

徒對反

蒙伐有苑虎韞

勅亮反

鏐

音漏

膺交韞二弓

姑弘反

竹閉緄

古本反

滕

直登反

言念君子載寢

載興厭厭

於鹽反

良人秩秩德音

朱曰伐駟四馬皆以淺薄之金為甲欲其輕而易於

馬之旋習也

鄭曰孔羣者言甚調和也

孔曰公

矛三隅矛也刃有三角蓋鏹矛之下端平底者亦以

白金沃之

孔曰曲禮曰進戈者前其鏹進矛戟者前其鏹是矛之下端者當有鏹也銳底曰鏹

平底曰鏹毛氏言鏹者取類相明非訓為鏹也

朱曰蒙雜也伐中干也

盾之別名苑文貌畫雜羽之文於盾上也

孔曰畫雜

為盾飾其文章苑然而美司兵掌五盾各辨其等注云干櫓之屬言辨其等則盾有小大左傳狄虺彌建大車之輪而蒙之以甲以為櫓櫓是大盾故以伐為中干干伐皆盾之別名也曹曰龍盾合而載之於軾以蔽車則蒙伐當載之於車中以蔽御者

毛曰虎虎皮韞弓室也

鄭曰鏤刻金飾也

毛曰膺馬帶也

朱曰鏤金以

飾馬當胷帶也

孔曰其弓則有虎皮之韜其馬則有金鏤之膺膺胷也鏤膺謂膺上有鏤

是以金飾帶若今之婁胷也

蘇曰交二弓於韞備折毀也

朱

曰閉弓檠也儀禮作韞緄繩滕約也以竹為閉而以

繩約之於弛弓之裏檠弓體使正也

孔曰既夕禮說明器之弓云有

韞注云韞弓檠也弛則縛之於弓裏備損傷也以竹為之引詩云竹韞緄滕然則竹閉一名韞也毛氏言閉緄也說文云緄繫也置弓韞裏以繩繫之因名韞為緄所緄之事即緄滕是也謂以繩約弓然後納之韞中也曹曰角弓弛則體反若不檠緄則不可復用矣

朱曰載寢載興言思



之深而起居不寧也 毛曰厭厭安靜也 蘇曰秩

秩有序也 李曰婦人謂夫乃安靜善人其德音又

秩秩然有序今乃從征役而不反我是以思念也

曹曰

德音嗣續不失條理盖有常者也  
與五日為期六日不詹者異矣

### 小戎三章章十句

蒹

古恬反

葭

音加

刺襄公也未能用周禮將無以固其國焉

劉曰必曰未能用者尚庶幾其有時而能用之也

黃曰不棄周禮所以存魯未能用周禮所以亡秦也

蒹葭蒼蒼白露為霜所謂伊人在水一方遡

蘇路反

洄

音同

從之道阻且長遡游從之宛在水中央

毛曰興也蒹葭蘆葦也

孔曰蒹似荻而細高數尺牛食之肥彊蘆葦也

曹曰秦

地近黃河蒹葭水草蓋興所見也

蒼蒼盛也白露凝戾為霜

朱曰伊

人猶言彼人也一方彼一方也

毛曰逆流而上曰

遡洄順流而涉曰遡游

鄭曰宛坐見貌歐陽曰

蒹葭必待霜然後堅實秦必用周禮以變其夷狄之

俗

蘇曰蒹葭之方盛也蒼蒼其彊勁而不適於用至於白露凝戾為霜然後堅成可施用於人秦起西

陸與戎狄雜居本以彊兵富國為先襄公以耕戰自  
力而不知以禮義終成之豈不蒼然感哉然君子以  
為未成故其後世狃於利而不知義至商君厲之以  
法卒以此勝天下既勝之後二世而亡其殆有以取  
之矣曹曰此詩歐陽曰所謂伊人者斥襄公也

南軒或曰所謂伊人謂有禮之人也謂彼襄公如水旁之人不知所適

欲逆流而上則道遠而不能達欲順流而下則未免

困於水中以興襄公不知所為欲慕中國之禮義既

邈不能及退循其舊則又不免為夷狄也曹曰秦地在黃河之

西故穆公之伯也東以河為境在水一方言其僻處  
西河不與中國通其朝聘會盟孤陋而無與也伊人

在水一方孤僻而無與我之從伊人也將強其所劣使之自克以禮繳褻公必不能黽勉而力行遡洄從之道阻且長之譬也將順適其所欲不改其俗之舊繳終不能有濟遡游從之宛在水中中央之譬也東萊曰所謂伊人猶曰所謂此理也蓋指周禮也褻公所以未能用周禮者特疑其迂耳若孝公所云安能邑邑待數千百年以成帝業也故詩人諷之以禮甚易且近特人求之非其道耳

蒹葭淒淒白露未晞

音希

所謂伊人在水之湄遡洄從之

道阻且躋遡游從之宛在水中坻

反宜尸

曹曰淒淒清也蒹葭得秋氣而清也

毛曰晞乾也

孔曰未躋升也

曹曰升為逆降為順

爾雅曰水草交為湄

毛曰坻小渚也

蒹葭采采白露未已所謂伊人在水之涘逌洄從之道阻且右逌游從之宛在水中沚

曹曰采采色澤也 毛曰未已猶未止也涘厓也

朱曰右不相直而出其右也 毛曰小渚曰沚 曹

曰未晞未已皆未為霜則是蒹葭終不得以有成也

蒹葭三章章八句

終南戒褻公也能取周地始為諸侯受顯服大夫美之

故作是詩以戒勸之

歐陽曰按史記平王封襄公為諸侯賜之以岐西之地襄公十二年伐戎至岐而卒子文公立十六年以兵伐戎戎敗走遂收周餘民而有之地至岐蓋自戎侵奪岐豐周遂東遷雖以岐豐賜秦使自攻取而終襄公之世不能取之但嘗一以兵至岐至文公始逐戎而取之

朱曰襄公雖未能遽有周地然既有天子之命矣仲梁子曰王者無外命之則成矣

曹曰信如遷說則取周地者乃文公非襄公也蓋毛公詩至劉歆始請列於學官猶未得立馬遷作史

時未見毛序也  
當以序為正

終南何有有條有梅君子至止錦衣狐裘顏如渥

於角反

丹其君也哉

毛曰興也終南周之名山中南也條栢梅栢也

孔曰栢郭

璞云今之山楸陸璣云皮葉白色亦白宜為車板梅郭璞曰似杏實酢曹曰終南秦之望也條梅皆良

材言終南所有富而且美也朱曰終南在今京兆府之南

朱曰君子指其君

也鄭曰至止者受命服於天子而來也諸侯狐裘

錦衣以裼之

楊曰玉藻云錦衣狐裘諸侯之服也孔曰玉藻注云以素錦為其衣而覆之

也渥厚漬

辭賜反

也顏色如厚漬之丹言赤而澤也

蘇曰終南則有草木以自衣被而成其深君子則有

服章以自嚴飾而成其尊 朱曰欲其修德以稱之

故盛陳容貌衣服之美以戒勸之也 東萊曰其君

也哉猶書所謂孺子王矣戒之之辭也

程曰終南崇高厚大以興

君位之尊山之高大必生美材人君尊崇必有令德有令德故宜稱顯服又美其容貌稱人君之位也

終南何有有紀有堂君子至止音弗衣繡裳佩玉將將

七羊反

壽考不忘



程曰紀稜角堂平寬

朱曰紀山之廉角也堂山之寬平處也毛曰紀基也堂畢道

平如堂也孔曰基謂山基也畢終南之道各道之側其崖如堂之牆也曹曰紀崔靈思作此曰終南之旁有此山字當作此堂爾雅說文皆以山如堂者曰室謂其形如堂室也此言終南山形勢之壯也

毛曰黑與青謂之黻

朱曰黻之狀亞兩已相戾也

五色備謂之繡

朱曰繡刺繡曹曰黻衣繡裳祭服也禹所謂致美乎黻冕采芑斯干所謂朱芾斯皇皆祭服也蓋黻蔽膝之服也六冕皆有之惟祭服謂之黻其他則謂之鞞先儒以為希冕三章之服非也夫希冕以粉米為衣以黻黼為裳此詩方對繡裳言之安得又謂之黻裳故知黻衣為黻冕也諸侯之冕服惟享王於廟助祭於天子則服焉此外惟二王後得服之以自祭其他諸侯則玄冕而祭於己耳

朱曰將

將佩玉聲也壽考不忘者欲其君居此位服此服長

久而安寧也亦勸戒之辭

曹曰襄公雖據秦國形勢之壯當盡臣節服其命服

以時而來聘享於王庭久而不失其職佩玉將將然德音有常而無懈乃得長享有秦國壽考不忘矣此

戒勸之意

### 終南二章章六句

黃鳥哀三良也國人刺穆公以人從死而作是詩也

孔曰左傳文六年秦伯任好卒以子車氏之三子奄息仲行鍼虎為殉皆秦之良也國人哀之為之賦黃

鳥殺人以葬環其左右曰殉不刺康公而刺穆公是

穆公命從己死此人自殺從之

董曰陳乾昔魏顆從其治命不以為殉君

子美之然康公得無罪乎詩人特以傷賢者之不得死然方責穆公死而棄民故舉其重者朱曰三人

者不食其言以死從君而詩人不以為美者死不為義不足美也東坡和陶三良詩曰此生太山重忽

作鴻毛遺三子死一言所死良已微賢哉晏平仲事君不以私我豈犬馬哉從君求蓋惟殺身固有道大

節要不虧君為社稷死我則同其歸顧命有治亂臣子得從違魏顆真孝愛三良安足希仕宦豈不縈有

時纏憂悲所以靖節翁服此點婁衣

交交黃鳥止于棘誰從穆公子車奄息維此奄息百夫

之特臨其穴惴惴其慄彼蒼者天殲

子康反

我良人如可

贖兮人百其身

毛曰興也

朱曰以所見起興也 陶詩曰荆棘籠高墳黃鳥聲正悲

李曰交交

飛而往來之貌

孔曰黃鳥止棘而得其所 毛曰

子車氏奄息名

王曰百夫之特則特出於百夫

鄭曰穴壙也

毛曰惴惴懼也

鄭曰慄悼慄也彼

蒼者天愬之

毛曰殲盡良善也

孔曰盡殺我善人

朱曰

此奄息之死若可以他人贖之則人雖有百身亦皆

願贖之矣愛之甚也

交交黃鳥止于桑誰從穆公子車仲行

戶郎反

維此仲行

百夫之防臨其穴惴惴其慄彼蒼者天殲我良人如可  
贖兮人百其身

鄭曰防猶當也言此一人當百夫

東萊曰訓防為當者蓋如提防之防

水也

交交黃鳥止于楚誰從穆公子車鍼虎維此鍼虎百夫  
之禦臨其穴惴惴其慄彼蒼者天殲我良人如可贖兮

人百其身

王曰百夫之禦則能禦百夫者也

黃鳥三章章十二句

晨風刺康公也忘穆公之業始棄其賢臣焉

孔曰康公瑩穆公子

歎

尹橘反

彼晨風鬱彼北林未見君子憂心欽欽如何如

何忘我實多

毛曰興也歎疾飛貌晨風鷖

之然也

孔曰陸璣疏云鷖似鷦青黃色

燕領句喙嚮風搖翅乃因風  
飛急疾擊鳩鵲燕雀食之

鬱積也北林林名也憂

心欽欽思望之心中欽欽然

程曰欽欽  
不解之意

忘我實多今

則忘之矣

程曰以晨風興君子者取其去來之疾

人君好賢待士有道則賢者歸之禮貌不至則浩然

去矣林木茂盛則飛鳥所集興朝廷有道則賢者所

就也如何如何歎其如是也此詩主賢者見棄之意

而言故云忘我

東萊曰此詩亦如權輿刺康公與

賢者有始而無終未見君子憂心欽欽言康公初立

想望賢者如是之切也如何如何忘我實多責其不能終也

山有苞櫟

盧狄反

隰有六駁

邦角反

未見君子憂心靡樂

洛音

如何如何忘我實多

李曰苞叢生也

毛曰櫟木也

陸草木疏云秦人謂柞櫟為櫟河內人謂

木蓼為櫟此秦詩也宜從其方土之言柞櫟是也

孔曰王肅云言六據所

見而言也

陸璣疏曰駁駁馬梓榆也其樹皮

青白駁犖遙視似駁馬故謂之駁馬

毛曰駁如馬倨牙食虎豹草



木疏云下章云山有苞棣隰有樹  
榘皆山隰之木相配不宜云獸

朱曰靡樂憂之

甚也 蘇曰山則櫟隰則有駸可以大國而獨無其

人乎

山有苞棣

音悌

隰有樹榘

音遂

未見君子憂心如醉如何如

何忘我實多

毛曰棣唐棣也榘赤羅也

釋木曰赤羅今楊榘也  
實似梨而小酢可食

朱曰如醉憂又甚矣 東萊曰秦之寡恩於晨風權

輿二詩見之

晨風三章章六句

無衣刺用兵也秦人刺其君好

呼報反

攻戰亟

欺冀反

用兵

而不與民同欲焉

孔曰康公以文七年立十八年卒按春秋文七年晉人秦人戰于令狐十年秦伯伐晉十二年晉人秦人戰于河曲十六年楚人秦人滅庸見于經傳者已如是是其好攻戰也 朱曰襄公以王命攘戎狄報君父之讎故征伐不休而詩人美之康公令狐河曲之

戰修私怨逞小忿故好攻戰亟用兵而詩人刺之詩  
可以觀於此見矣

豈曰無衣與子同袍

抱毛反

王于興師修我戈矛與子同

仇

毛曰袍襦也

孔曰玉藻云纁為繭縕為袍純著新綿名為繭雜用舊絮名為袍

戈長

六尺六寸矛長二丈

陳曰仇怨也

朱曰其惟愛之心足以相死如

此

蘇曰古者君與民同其甘苦非謂其無衣也然

有是袍也願與之同之故于王之興師也民皆自修

其戈矛而與之同仇矣傷今無恩於民而用其死也

秦本周地故其民猶思周之盛時而稱先王焉

范曰

無衣與子同袍者上與其下之辭也王于興師修我  
戈矛與子同仇者下與其上之辭也南軒曰上有

與子同袍之心則下有與子同仇之願矣曹曰王

始曰興師則民已各自修其戈矛矣不戒而孚不令

而服也陳曰驪山之禍極矣秦人將用岐周之故

地而雪驪山之恥故雖婦人之愚不以為不可晉襄

秦穆自殽之敗迭為兵主秦康晉靈皆已易世修怨

不已故國人刺其亟用兵也其意以謂若以王命興

師則吾固當奮袂前驅修戈矛繕甲兵同恤公上之

事何至徒犯鋒鏑以供其私怨哉嗚呼周室至微矣

而民猶欲與之同仇惜乎微弱已甚不能出征伐之

命而諸侯急於私憾所以終致不振也陳曰襄公

攘西戎救王室之難因此列為諸侯故其民至是猶知王室之尊然後知東遷之後王室雖微而本於人心者未泯民讀文侯之命者歎平王之無志其有以哉

豈曰無衣與子同澤王于興師修我矛戟與子偕作

鄭曰澤褰衣近汙垢

朱曰澤褰也以其親膚近於垢澤故謂之澤

戟車戟

常也

孔曰常長文六

毛曰作起也

豈曰無衣與子同裳王于興師修我甲兵與子偕行

毛曰行往也

無衣三章章五句

渭陽康公念母也康公之母晉獻公之女文公遭麗

力馳

反姬之難

乃旦反

未反而秦姬卒穆公納文公康公時為

太子贈送文公于渭之陽念母之不見也我見舅氏如母存焉及其即位思而作是詩也

曹曰晉獻公武公之子也武公卒獻公詭諸立烝於武公之妾齊姜生秦穆夫人及太子申生又娶二女於戎大戎狐姬生重耳小戎子生夷吾又伐驪戎驪戎男女以驪姬歸生奚齊其娣生卓子驪姬嬖欲立

其子奚齊乃賂二五

外嬖梁五東闕嬖五

與共讒太子申生而

殺之因欲併去二公子於是重耳奔蒲夷吾奔屈僖  
五年獻公使寺人披伐蒲重耳奔翟九年獻公卒晉  
里克丕鄭欲納二公子以二公子之徒作亂殺奚齊  
卓子晉卻芮使夷吾重賂秦以求入於是齊隰朋帥  
師會秦師納夷吾是為惠公惠公卒其子懷公立秦  
伯納文公入使殺懷公于高粱然則文公之於秦穆  
姬異母兄弟也當其入晉也兄弟姊妹無存者矣康

公見之烏得不興感耶 范曰見舅而思其母此人  
之情也人能充是心則孝亦無所不至矣若康公者  
未能充之也然其以是心而作是詩亦足以為孝矣  
南軒曰康公為太子送舅氏而念母之不見是固  
良心也及其即位循是心而賦是詩是以夫子有取  
焉而卒不能自克於令狐之役怨欲害乎良心也使  
康公知循是心養其端而充之則怨欲可消矣秦晉  
自殽之役日尋干戈使康公即位能推其愛舅之心



釋舊怨修新好則兩國之民不勝其幸其為孝豈不大哉惜不能善推其所為也 段曰康公忘父之業而盡棄其賢臣念母之愛而獨厚於舅氏父母一也忘於彼而念於此蓋良心之不克充也始而念母則賦渭陽之詩終而伐晉則有令狐之役舅家一也親於前而仇於後蓋良心之不能繼也

我送舅氏曰至渭陽何以贈之路車乘

繩證反

黃

毛曰母之昆弟曰舅 鄭曰秦是時都雍至渭陽者

蓋東行送舅氏於咸陽之地

孔曰漢地理志云古扶風渭城縣故咸陽也其

地在渭水之北

毛曰贈送也

董曰巾車金路以封同姓

象路以封異姓革路以封四衛木路以封蕃國皆諸

侯也故人君之車曰路車

曹曰秦伯所有之路象路也故太子得以為贈

朱曰乘黃四馬皆黃也

我送舅氏悠悠我思何以贈之瓊瑰玉佩

毛曰瓊瑰石次玉

曹曰瓊赤玉也玫瑰火齊珠也

孔曰佩玉之制惟天子用純諸侯以下玉石雜用之

王曰至渭陽者送之遠

也悠悠我思思之長也路車乘黃瓊瑰玉佩贈之厚也

渭陽二章章四句

權輿刺康公也忘先君之舊臣與賢者有始而無終也於我乎夏屋渠渠今也每食無餘于嗟乎不承權輿

毛曰夏大也 蘇曰渠渠深廣也 毛曰承繼也

權輿始也 朱曰言康公其初有渠渠之夏屋以待賢者而其後待賢之意寢衰供億寢薄賢者每食而

無餘於是歎之言不能繼其始也漢楚元王敬禮申  
公白公穆生穆生不嗜酒元王每置酒嘗為穆生設  
醴及王戊即位常設後忘設焉穆生退曰可以逝矣  
醴酒不設王之意怠不去楚人將鉗我於市稱疾申  
公白公強起之曰獨不念先王之德歟今王一旦失  
小禮何足至此穆生曰先王之所以禮吾三人者為  
道之存故也今而忽之是忘道也忘道之人胡可久  
處豈為區區之禮哉遂謝病去此詩其當之矣

於我乎每食四簋今也每食不飽于嗟乎不承權輿

孔曰簋是瓦器容斗二升方曰簠圓曰簋簠稻粱器也

簋黍稷器也 朱曰四簋禮食之盛也

權輿二章章五句

秦國十篇二十七章百八十一句

毛詩集解卷十一

欽定四庫全書

毛詩集解卷十二

宋 段昌武 撰

陳

鄭曰陳者太皞虛犧氏之墟帝舜之胄有虞闕父者  
為周武王陶正武王賴其利器用與其神明之後封

其子媯滿於陳

孔曰左傳史趙云胡公不淫故周賜之姓使祀虞帝則胡公姓媯武王所

賜也都於宛丘之側是曰陳胡公以備三恪

孔曰鄭駁異義云三

恪尊於諸侯卑於二王之後樂記云武王未及下車封黃帝之後於薊封帝堯之後於祝封帝舜之後於陳下車乃封夏后氏之後於杞封殷之後於宋則明陳與薊祝共為三恪妻以元女太姬

其封域在禹貢豫州之東其地廣平無名山大澤西

望外方東不及明猶

孔曰明猶尚書作盟猶即爾雅宋有孟諸是也

太姬無

子好巫覡禱祈鬼神歌舞之樂民俗化而為之五世

至幽公當厲王時政衰大夫淫荒所為無度國人傷

而刺之陳之變風作矣蘇曰陳之變風其原出於

太姬蓋列國之風皆有所自起方周之盛時王澤充



塞其善者篤於善不善者以禮自將亦不至於惡其  
後周德既衰諸侯各因其舊俗而增之善者因善以  
入於惡而不善者日以益甚故晉以堯之遺風為儉  
不中禮陳以太姬之餘俗為游蕩無度亦理勢然也  
宛丘刺幽公也淫荒昏亂游蕩無度焉

孔曰幽公寧慎公子當厲王時

子之湯

他郎反

兮宛丘之上兮洵

音荀

有情兮而無望兮

李曰子稱幽公也 毛曰湯蕩也四方高中央下曰

宛丘

孔曰李巡孫炎注爾雅皆云中央下惟郭璞曰宛丘謂中央隆峻狀

朱曰言此

人游蕩於宛丘之上信有情思而可樂矣然無威儀

可瞻望也 東萊曰湯雖訓蕩與徑斥為淫蕩者辭

氣緩急猶不同洵有情兮而無望兮從容不迫而諷

切之者深矣

坎

苦感反

其擊鼓宛丘之下無冬無夏值

直置反

其鷺羽

毛曰坎坎鼓聲

朱曰值遇也

爾雅曰鷺春鉏

陸璣

云齊魯謂之春鉏遼東樂浪謂之白鷺青脚頭上有長毛十數枚

毛曰鷺鳥之羽

可以為翳

鄭曰翳舞者所持以指麾  
孔曰持翳羽翳身而舞

朱曰言無時

不遇其出遊而舞於是也

范曰冬夏初寒大暑之時  
也人之好樂於是時必少

息焉今也無冬無夏  
則其他時可知矣

坎其擊缶

方有反

宛丘之道無冬無夏值其鷺翮

音導

毛曰盎

鳥浪反

謂之缶

孔曰離九三鼓缶而歌是樂器  
坎六四樽酒簋贰用缶注云大

臣以王命出會諸侯主國尊於簋副設玄酒以缶則  
又是酒器左傳襄公九年宋災具綆缶則又是汲水  
之器然則缶可以節樂若今擊甌  
又可以盛水盛酒即今之瓦盆也

翮翳也

宛丘三章章四句

東門之粉

符云反

疾亂也幽公淫荒風化之所行男女棄

其舊業亟

欺冀反

會於道路歌舞於市井爾

孔曰應劭云古者二十畝為一井因為市交易

漢書食貨

志一井八家家有私田百畝公田十畝餘二十畝以為井廬舍據其交易之處在廬舍故言二十畝爾

東門之粉宛丘之栩

況浦反

子仲之子婆娑

素何反

其下

毛曰粉白榆也栩杼也東門宛丘國之公會男女之

所聚子仲陳大夫氏張曰婆婆不必是舞但裴徊

翱翔之義士大夫之子不得過市今也遨遊於市井

中

毛曰婆娑舞也

穀旦于差

初佳反

南方之原不績其麻市也婆娑

毛曰穀善也

鄭曰差擇也績麻者婦人之事也

范曰市所以易貨聚民而婦人廢其紡績於此乎婆

娑 歐陽曰子仲之子常婆婆於國中樹下以相誘

說因道其相誘之語曰當以善旦期於國南之原野

下章又述其相約以往

范曰先王惡夫飽食而逸居是故君子勤禮小人盡力所

以愛日也今也民於善日則擇高明之地而荒樂焉

穀旦于逝越以駿

子公反

邁視爾如莪

祁饒反

貽我握椒

毛曰逝往也

鄭曰越於駿摠也

毛曰邁行也莪

苳

音毗

苳

音浮

也

陸璣云苳苳一名荊葵似蕪菁華紫綠色可食微苦

孔曰男女

總集而行往所謂之處

鄭曰男女交會而相說曰

我視女之顏色美如苳苳之華然女乃遺我一握之

椒交情好也

孔曰椒之實芬香故以相遺

東門之枌三章章四句

衡門誘

音酉

僖公也愿

音願

而無立志故作是詩以誘掖其

君也

孔曰僖公孝幽公子

歐陽曰詩人以陳僖公其性不恣放可勉進於善而惜其懦而

無自立之志故作是詩以誘進之

衡門之下可以棲

音西

遲泌

悲位反

之洋洋可以樂

音洛

飢

毛曰衡門橫木為門言淺陋也

孔曰衡古文橫字故知衡門橫木為門門

之深者有阿塾堂宇此惟橫木為之言其淺也

棲遲遊息也泌泉水也

朱

曰洋洋水安流廣長之貌

歐陽曰衡門雖淺陋亦

可以遊息於其下泌水洋洋然閱之而樂則亦可以

忘飢言陳國雖小苟有意以立事則亦可以有為

豈其食魚必河之魴

音房

豈其取

音娶

妻必齊之姜

陸曰里語曰洛鯉河魴貴於牛羊則魴鯉乃魚之美

者 鄭曰齊姜姓 歐陽曰其首章既言雖小國亦

有可為其二章三章則又言何必大國然後可為譬

如食魚者凡魚皆可食若必待魴鯉則不食魚矣譬

如取妻諸姓之女皆可取若待齊宋之族則不取矣是

首章之意言小國皆可為而二章三章言大國不可



待而得

蘇曰食魚必鮪鯉取妻必姜子則終身有不得者矣故從其所有而為之及其至也雖天

下之美無加焉不然雖有天下之至美而常挾不足之心以待之則終亦不為而已

豈其食魚必河之鯉豈其取妻必宋之子

鄭曰宋子姓

衡門三章章四句

東門之池刺時也疾其君之淫昏而思賢女以配君子也

鄭曰觀齊雞鳴之詩其相警戒之言則閨門之興笑

歌晤言固足以浸漬其君之心而革其惡此東門之

詩所以思賢女也

李曰自古人君修身謹行而無流連荒亡之禍者非特有忠臣義士

亦由賢妃正女夙夜警戒以成其德周宣王之姜后齊桓公之衛姬楚莊王之樊妃是也不獨人君為然

吳許升少為博徒妻呂榮躬勤家業以奉養其姑數

勸升修學升每為不義輒流涕進規榮父疾升乃呼

榮欲改嫁之榮歎曰命之所遭義無離貳終不肯歸

升感激自厲乃尋師遠學遂以成名賢女之助如此

東門之池可以漚

烏豆反

麻彼美淑姬可與晤

五故反

歌

毛曰池城池也漚柔也

鄭曰

於池中柔麻使可以緝績孔曰謂漸漬使之柔忍

也

董曰周姬姓陳因元女以封故詩人猶言淑姬

孔以姬姜為婦人之美稱於書無所考 鄭曰晤猶

對也言淑姬宜與對歌相切化也

孔曰傳以晤為遇釋言云遇偶也亦

為對偶之義

蘇曰陳君荒淫無度不可告語故其君子

思得淑女以化之於內婦人之於君子日夜處而無

間庶可以漸革其暴如池之漚麻漸漬而不自知也

東門之池可以漚紵

直呂反

彼美淑姬可與晤語

陸疏曰紵亦麻也宿根在地中至春自生不歲種

范

紵以當暑

東門之池可以漚管

古顏反

彼美淑姬可與晤言

孔曰管茅屬柔韌宜為索漚乃尤善管者已漚之名

未漚則但名為茅也

范曰管以為屨

東門之池三章章四句

東門之楊刺時也昏姻失時男女多違親迎

魚敬反

女猶

有不至者也

東門之楊其葉牂牂

子桑反

昏以為期明星煌煌

音皇

毛曰興也牂牂然盛貌

鄭曰親迎之禮以昏時

朱曰明星啟明也煌煌大明貌東門蓋此人親迎之  
所以其所見起興曰東門之楊則其葉牂牂矣昏以  
為期而明星煌煌矣毛曰昏以為期明星煌煌期  
而不至也

東門之楊其葉肺肺

普貝反

昏以為期明星晢晢

之世反

毛曰肺肺猶牂牂也晢晢猶煌煌也

東門之楊二章章四句

墓門刺陳佗也陳佗無良師傅以至於不義惡加於萬

民焉

陳曰此詩雖以刺佗乃是耆舊之賢者備見始末追

咎先君不能為佗置良師傅致有弑逆之事也

朱曰陳佗

文公子桓公鮑之弟也桓公疾病佗殺其太子免而代之桓公卒而佗立明年為蔡人所殺此詩刺佗而追咎先君不能為佗置良師傅以至於此也

墓門有棘斧以斯

所宜反

之夫也不良國人知之知而不

已誰昔然矣

毛曰興也墓門墓道之門斯析也幽閒

音閑

希行生此

棘薪惟斧可以開析之 蘇曰夫陳佗也 程曰人

情不修治則邪惡生猶道路不修治則荆棘生故以

興焉墓門有荆棘則當以斧斤開析之佗才不善宜

得賢師良傳以道義輔正之今夫也不良衆皆知之

而不去自昔誰如是乎此追咎自佗幼小不擇師傳

致成其惡誰昔然矣猶云從來誰如是乎

蘇曰知而不之去昔

誰為此乎蓋歸咎桓公也 爾雅曰誰昔昔也

墓門有梅有鵲

反 戶驕

萃

反 徂醉

止夫也不良歌以訊之訊

予不顧顛倒思予

毛曰鴉惡聲之鳥也

孔曰鴉一名梟一名鴝鵒俗說以為鴉即土梟

非也陸疏云鴉大如班鳩綠色

萃集也訊告也

文釋

云韓詩云訊諫也

程曰前章言有棘言佗之不善後章言

有梅深咎輔導之使然梅美木雖美木生墓門荆棘  
荒蕪之處則惡鳥萃矣雖有良心善性與不善人處  
則惡歸矣朱曰夫也不良則有歌其惡以訊之者  
矣訊之而不予顧至於顛倒然後思予則豈有所及



哉亦追咎之辭也 東萊曰墓門幽深之地興其惡也墟墓之間荆棘最難去非用斧不足以除之佗之惡大矣非嚴師傅痛撻擊之亦莫能去其惡也墓門有梅有鴉萃止言佗之性質本非惡為師傅所累也左傳載佗勸陳侯許鄭平親仁善鄰之言中於事理盖非昏愚者陳侯不許卒見侵伐既而徐思佗言復與鄭和遣佗往鄭泣盟佗與鄭伯盟軟如忘洩伯料其必不免考其歲月纔數年爾而蟲惑變壞如是此

詩人之所傷也

墓門二章章六句

防有鵲巢憂讒賊也宣公多信讒君子憂懼焉

孔曰宣公杵臼莊公弟

防有鵲巢

其恭反

有旨苕

徒彫反

誰侮

陟留反

予美心焉忉

忉

都勞反

毛曰興也防邑也邛丘也

後漢郡國志陳縣注博物記曰邛地在縣北防亭在

焉

孔曰鵲畏人而近人非邑有樹木則鵲不巢

鄭曰旨美也

劉曰旨者地荒則草美茂也

毛曰苕草也

孔曰苕之華傳

云苕陵苕此直云苕草彼陵苕好生下濕此則生於丘與彼異也陸疏云苕苕饒也蔓生莖如勞豆而細葉似蒺藜而青其莖葉可生食如小豆藿也

佻張誑也

朱曰佻張欺誑也

朱曰

忼忼憂勞之貌

歐陽曰讒言惑人非一言一日之

致必由積累而成如防之有鵲巢漸積構成之爾又

如苕饒蔓引牽連將及我也

程曰有叢林之蔽翳則鵲巢之興人心有蔽昏

則讒誣者至丘言平廣之地則有美草興人心高明平夷則來善言

程曰佻謂譁張

迂回誣罔人者必迂曲以致其惡予美心所賢者憂

讒誣賢善也

中唐有甕

蒲歷反

邛有旨鷗

五歷反

誰併予美心焉惕惕

吐歷

反

毛曰中中庭也唐堂塗也

孔曰堂下至門之徑也

甕令

音零適都歷

反

也

爾雅曰甕甕謂之甕郭璞曰甕甕也甕甕也

鷗綬草也

陸璣疏曰鷗五色作綬文故曰綬草

程曰惕惕懼也

歐陽曰中唐有甕非一甕也亦

以積累而成綬草雜衆色以成文猶多言交織以成

惑義與貝錦同

防有鵲巢二章章四句

月出刺好

呼報反

色也在位不好德而說

音悅

美色焉

王曰詩所言者說美色而已然序知其不好德者子  
夏曰賢賢易色蓋說色如此喪其志矣未有能好德  
者也

月出皎兮佼

古卯反

人僚

音了

兮舒窈

鳥了反

糾

其趙反

兮勞心

悄

七小反

兮

毛曰興也皎月光也

孔曰佼好之人

朱曰窈幽

遠也糾愁結也

毛曰悄憂也

王曰悄言不說而靜默

朱曰

當月出之時而思佼人之好欲一見之以舒窈糾之

情而不可得是以為之勞心悄然也

毛曰舒遲也窈糾舒之姿

月出皓兮佼人懽

力久反

兮舒懷

於久反

受兮勞心慍

七老反

兮

董曰皓月光

蘇曰懽好也

朱曰懷受憂思也

蘇曰

懷受舒之姿也

王曰慍言不安而騷動

月出照兮佼人燎

力召反

兮舒天

於表反

紹兮勞心慘

七感反

兮

董曰照月光之被物

蘇曰燎明也

董曰燎則其光與月並

朱曰天紹糾緊之意

王曰慘言不舒而幽愁東

萊曰此詩用字聲牙意者其方言歟

月出三章章四句

株

陟朱反

林刺靈公也淫乎夏

戶雅反

姬驅馳而往朝夕不

休息焉

鄭曰夏姬陳大夫妻夏徵舒之母鄭女也徵舒字子

南夫字御叔

孔曰靈公平國共公子楚語云昔陳御叔娶於鄭穆公女生子南子南之母亂

陳而亡之宣九年陳夏徵舒弑其君平國傳曰陳靈公與孔寧儀行父飲酒於夏氏公謂行父曰徵舒似汝對曰亦似君徵舒病之公出自廐射而殺之

胡為乎株林從夏南匪適株林從夏南

毛曰株林夏氏邑也夏南夏徵舒也

孔曰徵舒以氏配字謂之夏南

楚殺徵舒左傳謂之戮夏南實從夏南之母言從夏南者婦人夫死從子夏南為其家主故以夏南言之

駕我乘

繩證反

馬說

音稅

于株野乘我乘駒朝食于株

鄭曰說舍也馬六尺以下為駒東萊曰首章鄭氏



文義皆善但不當以為靈公舐拒之辭彼相戲於朝  
猶不知恥亦何舐拒之有蓋國人問靈公胡為乎株  
林而從夏南乎詩人則為之隱曰靈公非適株林從  
夏南乃他有所往爾然而駕我乘馬則舍于株野矣  
乘我乘駒則又食于株矣雖欲為之隱亦不可得也  
株林二章章四句

澤陂

彼皮反

刺時也言靈公君臣淫於其國男女相說憂

思

息嗣反

感傷焉

王曰東門之粉宛丘之應也澤陂株林之應也

彼澤之陂有蒲與荷

音何

有美一人傷如之何寤寐無為

涕

他弟反

泗

音四反

滂

普光反

沱

徒何反

毛曰興也

董曰傳曰澤水之鍾也

毛曰陂澤障

也

孔曰澤障謂障水之岸

說文曰蒲者似莞

音桓

而褊有脊滑

柔而溫

爾雅曰莞符離邢昺曰本草云白蒲一名符離楚謂之莞蒲

毛曰荷芙

音蕖

其居反

也

爾雅曰荷芙蕖其莖茄其葉蓮其本莖其華菡萏其實蓮其根藕郭璞曰荷別

名芙蓉江東呼荷莖莖下白弱在泥中者蓮謂房也

鄭曰寤覺

音教

也

毛曰

自目曰涕自鼻曰泗 孔曰目涕鼻泗俱下滂沱然

蘇曰婦人之色如蒲荷之美思而不見故憂傷涕

泗也

彼澤之陂有蒲與蘭

古顏反

有美一人碩大且卷

其員反

寤

寐無為中心悁悁

烏玄反

毛曰蘭蘭也

蘇曰卷好也

毛曰悁悁猶悒悒也

彼澤之陂有蒲菡

戶感反

萏

大感反

有美一人碩大且儼

魚檢

反寤寐無為輾

張輦反

轉伏枕

毛曰菡萏荷華也

李曰儼者容貌儼然也

毛曰儼  
矜莊貌

朱曰輶轉伏枕卧而不寐思之深且久也

東萊

曰變風始於雞鳴終於澤陂凡一百二十八篇而男女夫婦之詩四十有九抑何多耶曰有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯男女者三綱之本萬事之先也正風之所以為正者舉其正者以勸之也

變風之所以為變者舉其不正者以戒之也道之升降時之治亂俗之汙隆民之死生於是乎在錄之煩悉篇之複重亦何疑哉

澤陂三章章六句

陳國十篇二十六章百二十四句

毛詩集解卷十二

欽定四庫全書

毛詩集解卷十三

宋 段昌武 撰

檜

鄭曰檜者古高辛氏火正祝融之墟

孔曰左傳梓慎云鄭祝融之墟

也鄭減檜而處之故知檜是祝融之境

國在禹貢豫州外方之北滎波

之南居溱洧之間祝融氏名黎其後八姓

曹曰分姓惟

姁姓檜者處其地焉

釋文曰武王封祝融之後於濟洛河潁之間為檜子朱曰今

鄭州即其地也

周夷王厲王之時檜公不務政事而好潔衣

服大夫去之於是檜之變風始作

孔曰按鄭語史伯於幽王之世為桓

公謀滅號檜云檜仲恃險羔裘之作在檜仲之前不知其幾世也

東萊曰檜至平王之初桓公滅之其

風之變固在於東遷之前然未必知其為夷厲之世也

朱曰周衰檜為鄭桓公所滅其世次微不傳故其作詩之世不可得而推蘇氏則以為

號

檜詩皆為鄭而作正如邶鄘之於衛

其國比鄰於

羔裘大夫以道去其君也國小而迫君不用道好潔其衣服逍遙遊燕而不能自強於政治故作是詩也



張曰羔裘之詩言其所事惟在於衣服之間則其不

能自強於政治可知矣

范曰君有過則諫諫而不聽則去鄭曰以道去其君者

三諫不從待放於郊得玦乃去孔曰公羊傳曰古者大夫已去三年待放范甯曰君賜之環則還賜之

玦則往荀卿云召人以環絕人以玦

羔裘逍遙狐裘以朝

直遙反

豈不爾思勞心忉忉

音刀

毛曰羔裘以遊燕狐裘以適朝

鄭曰諸侯之朝服緇衣羔裘蘇曰錦衣

狐裘所以朝天子之服也

范曰急於遊燕而怠於政治此賢人

所以去也太忠臣之事君言不用而去之不得已也

其心豈舍君哉故曰豈不爾思勞心忉忉

朱曰孟子去齊其心

此如

羔裘翱翔狐裘在堂豈不爾思我心憂傷

鄭曰翱翔猶逍遙也 毛曰堂公堂也

羔裘如膏

古報反

日出有曜

羊照反

豈不爾思中心是悼

朱曰羔裘之色潤澤如脂膏所漬日出照之則有光

曜

毛曰日出照曜然後見其如膏

羔裘三章章四句

素冠刺不能三年也

朱曰喪禮為父為君斬衰三年為母齊衰三年

毛曰子夏

三年之喪畢見於夫子援琴而絃衍衍而樂作而曰先王制禮不敢不及夫子曰君子也閔子騫三年之喪畢見於夫子援琴而絃切切而哀作而曰先王制禮不敢過也夫子曰君子也子路曰敢問何謂也夫子曰子夏哀已盡能引而致之于禮故曰君子也閔子騫哀未盡能自割以禮故曰君子也夫三年之喪賢者之所輕不肖者之所勉

庶見素冠兮棘人樂樂

力端反

兮勞心博博

徒端反

兮

毛曰庶幸也素冠練冠也

孔曰素白也此冠練布使熟其色益白喪禮至暮而

練至祥乃除練後常服此冠故為練冠也

棘急也

朱曰喪事欲其總總耳哀遽之狀也

樂樂

瘠貌博博憂勞也

張曰不能三年不期而除則未

始用練冠

曾曰不能三年雖不知為服歲月然宰我

喪猶愈於已乎古之不能三年者意皆如此詩人思

見練冠

蓋當時止為一歲服

歟

范曰檜當夷厲之

時已如此則孔子

孟子之世可知也

庶見素衣兮我心傷悲兮聊與子同歸兮

毛曰素冠故素衣也

朱曰與子同歸言其愛慕之

辭也

庶見素韠

音韠

兮我心蘊

於粉反

結兮聊與子如一兮

朱曰韠蔽膝也以韋為之冕服謂之韍其餘曰韠韠從裳色素衣素裳則素韠也蘊結者思之不解也與子如一甚於同歸矣東萊曰鄭康成王肅皆以素冠為大祥之冠蓋引喪服已除成喪者其祭也朝服縞冠之文其說誤矣惟其不能三年是以嗟傷不見既練之冠若除喪之縞冠雖使短喪其除之也蓋亦服是冠矣至于二章之素衣鄭說尤不通朝服緇衣

素裳初無素衣之制遂轉衣為裳其牽合益甚矣三章之素韞於既練之服雖無所考觀詩者亦當得其大意不必委曲瑣細拘於禮文況為鄭說者既曰衣者衣裳之大名則為毛說者亦曰韞從裳色衣裳既素則必有素韞豈不可乎孔氏又謂經傳未有以布為素者殊不知經傳以色白為素如繪事後素之類多矣不必專以帛為素也

素冠三章章三句

隰有萋

大羊反

楚疾恣

娑刺反

也國人疾其君之淫恣而思

無情慾者也

隰有萋楚猗

於可反

儼

乃可反

其枝夭

於驕反

之沃沃

烏毒反

樂

子之無知

毛曰萋楚鉞

音遙

弋也

孔曰郭璞云今羊桃也或曰鬼桃陸疏云葉長而狹華紫赤色

其枝莖弱過一尺引蔓于草上

孔曰猗儼然枝條柔弱

毛曰天

少也

呂曰萋楚始生猶能自立然枝幹柔弱至長

則引蔓于草上則既長不如初生之自立故引以為

喻

隰有萋楚猗儺其華天之沃沃樂子之無家

鄭曰無家謂無夫婦室家

隰有萋楚猗儺其實天之沃沃樂子之無室

朱曰無室猶無家也 東萊曰天如厥草惟天之天

謂萋楚始生之時也隰有萋楚猗儺其枝柔弱牽蔓

盖如人之多慾者矣反思始茁其牙未有牽蔓之時

生意沃沃然盖甚可愛也此所謂赤子之心也此檜



君未有知識未有室家之時也曰無知無家無室者  
蓋疾其君之多慾故其辭過而激

隰有萋楚三章章四句

匪風思周道也國小政亂憂及禍難

乃旦反

而思周道焉

東萊曰匪風下泉思周道之詩獨作於曹檜何也曰  
政出天子則彊不陵弱各得其所政出諸侯則徵發  
之煩供億之困侵伐之暴惟小國偏受其害所以瞻  
懷宗周為獨切也戰國時房喜為韓王曰大國惡有

天子而小國利之以此二詩驗之其理益明賈誼欲  
衆建諸侯而少其力雖其言畧而不精亦可謂少知  
治體矣 黃曰欲觀周之所以得民者當於此詩觀  
之

匪風發兮匪車偈

起竭反

兮顧瞻周道中心怛

都達反

兮

朱曰發飄揚貌偈疾驅貌

鄭曰迴首曰顧

毛曰

怛傷也

程曰顧瞻盼戀思而傷怛也

朱曰周道

適周之路言常時風發而車偈則中心怛然今非風

發也非車偈也特顧瞻周道而思王室之陵遲故中

心為之怛然耳

張曰人之不安常如在風中車上鄭箋曰非風也而其至發發非車也

而其行偈偈董曰猶匪兕匪虎率彼曠野之意言政之亂而人之不安也毛曰發發飄風非有道之

風偈偈疾驅非有道之車前漢王吉上疏曰韓詩云匪風發兮匪車偈兮說曰是非非古之風也發發者

是非非古之車也偈偈者蓋傷之也程曰匪風不和之風匪車無法之車

匪風飄

符遙反

兮匪車漂

匹遙反

兮顧瞻周道中心弔兮

毛曰迴風曰飄

孔曰旋風

朱曰漂漂搖不安之車弔傷

也

誰能亨

普庚反

魚溉之釜

符甫反

蒿

音尋

誰將西歸懷之好音

毛曰溉滌蒿釜屬

孔曰釋器云醕謂之蒿孫炎曰關東謂醕為蒿然則蒿是醕亨魚用

釜不用醕雙舉者以其俱是食器故連言之耳醕即陵反

鄭曰檜在周之東故

言西歸

孔曰是時檜在滎陽周都豐鎬周在於西

程曰魚美好之物人

所欲興善政人所思

朱曰誰能亨魚乎有則我願

為之溉其釜蒿誰將西歸乎有則我願慰勞之以好

音勉之言有能興周道者則已將歸之也

毛曰亨魚煩則碎治

民煩則散知亨魚則知治民矣張曰溉之釜蒿欲治民不煩也溉沃之使水多也水寬則魚不壞政亦

寬務

匪風三章章四句

檜國四篇十二章四十五句

毛詩集解卷十三